

# kontuola...

**KONTUOLA, Idolaz elkarte, ANTZUOLA. Kazetaria:** Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 56. zenbakia. 2000 ko apirilaren 7a.*

## Zaharkinak baserririk baserri

Mila bat tresna zahar biltzea espero dute Aranzadikoek

**Aurrera doa Gipuzkoako Foru Aldundiak Antzuolako udalarekin lankidetzan eta Aranzadi elkartearen laguntzarekin antolatu duen zaharkinak proiektua.**



# H

erriko baserrietako ondarea ezagutzera emateko asmoz, hamaika neskako taldea baserriz baserri ibili da baserriko tresnen gaineko da-

tuak eta informazioa batzen, eta argazkiak ateratzen. Baserriarekin zerikusia duen guztia izan dute aztergai: lanerako tresnak, altzariak, erlijio kutsuko gauzak, argazki zaharrak, etabar.

Orain, berriz, Aranzadi zientzia elkarte etnografia taldekoek eta Andoni Azkarate herritarrek dihardute lan horretan, Fermin Leizaola buru dutela.



*Andoni Azkarate ari da Aranzadikoei laguntzen.*

### IA BASERRI GUZTIETARA

Herriko baserri guztietara joatea ezinezkoa denez, berrogeita hamarren batera joango dira. Baserririk baserri ibiliko dira baserriko tresnak ikusi, aukeratu eta batzen.

Udaleko ordezkariak esan digutenez, baserriarrek oso harrera ona egin diote proiektuari eta etxeko ateak zabalteko ez dute inolako trabarik ipini. 1.200 bat pieza desberdin batuko direlakoan daude. Bilketa lanaren ondoren, pieza guztiak banan-banan garbituko dituzte. Aranzadikoen esanetan, 1.200 pieza baino gehiago izango dira, baina denak ezingo dituzte batu, garbitu eta erakutsi, eta pieza desberdinak ipintzen saiatuko dira. Martitzenean hiru baserritik pasa ondoren, 150 bat pieza sailkatu zituztela adierazi ziguten hiru arduradunek. Bilketa Basalde auzoan hasi zuten

eta era guztietako tresnak ikusi zituztela baieztatu ziguten. Bai eta, auzo horretako baserrietan oso egoera onean aurkitu zituztela gehienak. "Auzo honetan baserriarrek ardura izan dute neurri batean aintzinako tresnak gordetzeko".

Batutako gauzekin herriko artxibo historikoan geratuko diren fitxak egiteaz gain, erakusketa ere egingo da.

### ERAKUSKETA FRONTOIAN

Maiatzaren 15etik 20ra tresnak pilotalekura eroango dira. Izan ere, erakusketa

egingo da maiatzaren 20tik aurrera, San Isidro egunaren ospakizunarekin batera. Arratsaldeko 18:00etan irekiko da. Ekainaren 11n bukatuko da.

### PILOTALEKUA ITXITA

"Zaharkinak" dela eta, herriko pilotalekua ezingo da erabili maiatzaren 15etik ekainaren 15era.

Erakusketa ekainaren 11n bukatuko da eta orduan hasiko dira arduradunak tresnak jaso eta baserriarrei bueltatzen. ■

■ ■ ■  
Erakusketa egingo da maiatzaren 20tik  
ekainaren 11ra pilotalekuan  
■ ■ ■


# Matz-Erreka eta Bergarako Miguel Altuna elkarlanean heziketa zikloetan

**Datorren ikasturtetik aurrera**, Bergarako Miguel Altuna institutuko ikasleek goi mailako beste heziketa ziklo batean matrikulatzeko aukera izango dute. Izan ere, Matz-Errekak eta Bergarako ikastetxeak plastikoa eta kautxua lantzeko goi mailako heziketa zikloa jarriko dute martxan.

Aurreko Kontuolan Matz-Errekak bere pabilioi berria irekitzeko prest daukela adierazi genizuen. Oraingoan, ordea, kooperatiba honek duen beste proiektu bati buruzko kontuekin gatozkizue. Ikasleei zuzendutako proiektu batekin, hain zuzen ere.

Bergarako Miguel Altuna institutua-rekin "Plastikoa eta kautxua lantzeko" heziketa zikloa jarriko du martxan, datorren ikasturtean. Izan ere, hauxe da Matz-Errekan egiten duten gauzetako bat. Eta bertako kudeatzaileak, Mikel Agirrezabalek, adierazi digunez "inguruotan ez dago honelako ikasketak eskaintzen dituen eskolarik. Hori dela eta, gurean aritzeko espezialistak aurkitzea ez da gauza erraza izaten".

Matz-Errekako langile guztien artean ia erdiak ari dira plastikoaren sailean lanean "eta aurrera begira ere, arlo ho-



*Eskolak Bergarako Miguel Altuna Institutuan emango dira. ARTXIBOA*

nek gora egingo duelakoan gaude, baina horretarako langile ikasiak behar ditugu". Bergarako Miguel Altuna Institutuan mekanika, elektrizitate elektronikoa eta administrazioko goi mailako ikasketak egiten dira eta datorren urtetik aurrera, ziklo berri bat egongo da. Gainera, lantegietako langileak birziklatzeko egitasmoa ere badu goi mailako ziklo honek.

Maiatzean sinatuko dute hitzarmena Matz Errekak eta Miguel Altuna institutuak.

Baina aurretik, datorren asteko eguaztenean, apirilaren 12an, Matz-Errekak pabilioi berria inauguratuko du, eta apirilaren 15ean, inguruotako herritarrak gonbidatuko ditu atea zabalik eguna egingo dute eta.



## Azkenean behera

Joan den astean bota zituzten azkenean Danok Bat elkarteko eta "Tellerianeko" eraikin zaharrak. Herriaren itxura aldatuz doala!



KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Zoruen kutxilatuta eta barnizaketa •

**LARREA**

**TABERNA**

Kalebarren 17  
ANTZUOLA

KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Apaintetarako eta industriarako pinturak •
- Paper margotuak •
- Mokatak eta tapizatutak •

**GOROSTI**  
**Taberna**

☎ 943 76 62 96

Zurrategi plaza ANTZUOLA

# “Euskal OFF 2050”, Hikaren antzezlan

## “EuskalOFF 2050”.

Horixe da Hika antzerki taldeak apirilaren 15ean eskainiko duen antzezlan. Miren Gojenola, Belen Cruz, Josu Mujika, Anjel Alkain eta Loli Astoreka aktoreek 2050. urtean gertatzen den istorioa taularatuko dute: bikote amerikar batek Euskal Herrira egiten duen bisita kontatzen dute. Baina Euskal Herria museo antropologiko baten bitartez ezagutuko dute. Izan ere, euskara desagertu egin da eta munduan “espanglisha” erabiltzen da hizketan egiteko.

Hika taldeak hizkuntzaren normal-kuntza landu nahi izan du antzezlan honekin. Euren diotenez “gure seme-alabek euskaraz ikasi, pentsatu, bizi... egin dezaketen arren, soilik inguru euskaldunetan egin dezakete. Urteetako erasoak ordaintzen ari gara eta gaur egun, orain-



Hika taldea.

dik ere, zonalde ez euskaldun asko dau-  
de”.

Hori dela eta, “Txalo Ekoizpenak, Iturri Kulturgintza Zerbitzuak eta Hika Antzerkiak, indarrak eta gogoak elkarturik eszenifikatu nahi izan dugu gai hau”.

Arlo komikoa eta poesia nahasten ditu Hika taldeak lan honetan, baina “helburu nagusia ikusleriari barrea eragitea da”.

Agurtzane Intxaurreagak zuzentzen du “EuskalOFF 2050” antzezlan.

## INSERSOREN BIDAIK

Insersok urteroko bidaiak antolatu ditu, Gizarte Segurantzako elbarritasun edo erretiratu pentsiodunendako eta 60 urte bete dituzten alargun pentsiodunendako. Penintsulan zehar, Balear irletara, Kanarietara eta Portugale-  
ra bidaiak edo kultura zirkuitoak antolatu ditu. Izen ematea apirilaren 13an amaituko da eta interesatuek udaleko Gizarte zerbitzura jo dezakete. Bidaien prezioa 32.600 PTatik (garestiena), 17.590 PTara (merkeena) izango dira. Gutxienez 6 egun dira eta gehienez, berriz, 15 egun.

## ERRETZEARI LAGATZEKO


Zenbat aldiz pentsatu duzu erretzeari lagatzea? Eta zenbat aldiz entzun duzu “zaila” dela? Antzuolako udalak “Erretzeari lagatzeko” ikastaroa antolatu du. Sei astetan zehar, eguenero, egingo dira saioak eta apirilaren 27an izango da lehenengoa. Orduetgia auke-  
ran izango dute interesatuek: 17:45-18:45 lehenengoa eta 19:00-20:00 bigarrena. Izen ematea apirilaren 17an amaituko da eta matrikula 1.000 PTA izango da. Interesatuok udaletxera jo dezakezue.

## MENDI IRTEERA

Arrola Mendizale Elkarteak “Pagasari-Gañekorta” mendi irteera antolatu du apirilaren 16rako, domekarako. Bizkaia aldera joateko autobusa goizeko 08:30etan aterako da herriko plazatik eta itzuli, berriz, 18:00etan egingo da. Izen ematea apirilaren 11n, martitzenean, izango da, Arrola elkartearen, 19:00-20:00. Bestalde, martxoaren 30ean, eguenean, Arrola Mendizale Elkarteak, bere zuzendaritza berritzeko batzarra egin zuen. Zazpi kide berri sartu ziren zuzendaritzan: Bittor Arbulu, Juan Simon Aristi, Idoia Conget, Gorka Garitano, Juan Antonio Iturbe, Amaia Lazkano eta Zigor Perez.

## GOSE GREBAN, MARTXOAREN 23TIK

Jose Luis Erostegei, “Eltzikortak”, gose grebari ekin zion martxoaren 23an. Antzuolako Amnistiaren Aldeko Komitea, sinadura bilketa egiten ari da herriko talde eta pertsonen artean. Sei punturekin bat egitea eskatzen da: “euskal presoak kalean izatea, euskal nazio eraikuntzan euskal gizarte osoarekin batera parte hartu ahal izateko eskubide osoa dugulako” ere jasotzen da, baina baita sakabanaketarekin amaitzea eta gaixo dauden eta zigorraren 3/4k beteta dituzten presoek kaleratzea ere. Sinadura guztiekin mozioa aurkeztuko da Udalean.



## Igor eta Txomin



Margoak orokorrean

ANTZUOLA BERGARA  
609 157 131 609 150 164

## EGAÑA

Era guztietako arotz lanak

Tarima eta parketa jartzea  
Zoruen kutxilatzea eta barnizatuak

Kalegoi 21, ANTZUOLA Tf.: 943 76 64 23

GAILUR  
taberna eta  
gozotegia



Buztinzuri 13 ANTZUOLA  
Tf. 943 78 70 32



San Isidro egunean banatuko dira sariak.

# Kukumarro lehiaketa

**Txorimalo** edo kukumarro. Nahi duen bezala. Kontua da San Isidrotan egiten den lehiaketa martxan dagoela jadanik. Nahi duen edonork hartu dezake parte, maiatzaren 19a baino lehen "ortu zaindari" bat eginez gero. 15.000 PTako sariaz gain, aurkezten diren guztiek sorpresa bat jasoko dute.

Interesatuak udaletxean zein liburutegian eman dezakete izena.

Sariak maiatzaren 20an banatuko dira San Isidro egunean, feria egingo den egunean.

Hiru talde egongo dira: 12 urtetik beherakoak, 12tik gorakoak eta hirugarrena, berriz, jubilatuenak. Animatu bada!

## Zuhaitz eta zuhaisken erakusketa Elhuyarren eskutik

**Kanpotik ekarritako** eta bertan hazitako zuhaitz eta zuhaisken erakusketa antolatu du Elhuyarrek eta apirilaren 7tik 9ra bitartean egongo da erakusgai, udaletxean. Izenak, hostoak, loreak, 25 espezieren enbor mozketak eta bestelakoak ikusteko aukera eskaintzen du erakusketak.

Horretaz gain, Araba, Bizkaia eta Gipuzkoako hamar zuhaitz mota uga-

rienen taula grafikoa ere jarriko da. Baina ez da hori izango guztia. Izan ere, honekin batera, "Sexua landareetan" diaporama ere erakutsiko dute. Jexux Lopez Irastorza, biologoak eginitako diaporama da hau.

Erakusketa goizez eta arratsaldez egongo da zabalik: 12:00-14:00 eta 19:00-20:30ak bitartean hiru egunetan zehar.

Okerrak zuzendu eta Antzuolako euskeran emon

1. Muturrez aurrera jausi eta hankia apurto naiz.
1. ....
2. Beste urtian goiz ikusi ginutzen edur malutak.
2. ....

Izen-abizenak eta telefonua: .....


**idolaz** ANTZUOLA **bertako hizkeria**

Aurreko Kontuolako erantzun zuzenak:

1. Lehengunian zintz egin neban.
2. Neri Mikel gustatzen jat.

**Sariak: Hodei Aranguren eta Xabin Muruamendiaraz.**

Eskuman erantzunak idatzi ostian, moztu eta laga Antzuolako udal liburutegian, **DATORREN EGUKAITZA BAIÑO LEHEN.** Erantzun zuzenen artian 5.000 pezeta eta "Antzuolako hizkera" liburuaren ale bat zozketatuko ditugu hamabostero.



**Z** *Zabalo Iturgintza S.L.*

Bidea eginez

**Tailerra:** Uzarraga bidea 10. Tf. 943 78 71 78

**Erakusketa:** Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

**ANTZUOLA**

Apainketak eta isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Bildegia: 943 78 70 40